

AD LECTOREM.

ADmonendus es Lector quae piā in hoc libello authoris  
promisso non respondere, ueluti sunt Orionis, Marsyæ,  
Daphnes, Hyacinthi & Phaonis narratiōes, quae diuer-  
sam faciem ab operis argumēto habere uideant. Sed nec  
id bonis ingenii obesse dabat, cum & fabulis sua sit fides,  
quā ignorare litterato uiro turpe sit. Boni proinde cōsu-  
les & illa didicisse et præcipue nouissimū illud de Argiuā  
sacerdote, quod nec illorum nec instituti operis speciem  
aliquam refert, uel ob hoc saltem ut ueteris illius senten-  
tiæ recordemur, malum non esse existimandū quod sit  
Diis immortalibbs uel natura pauentum omnium con-  
stitutum.

IOANNIS CAMERTIS ORDINIS DIVI

Francisci, in Palæphatū, per Angelū Cospū  
in Latinum uersum/ Epigramma.

Quid lyra/quæ reticet: portu quid condita puppis:

Tectaç lux tenebris, utilitatis habent?

Vile latens fructus, uirtus nisi tendat in usum

Fine caret, fortis præmia miles habet.

Thebani Bacchum celebrant: Cereremq; Sicanī,

In patriam hæc segetes: uina quod ille refert.

Hæc corpus recreant: mentem sed pascere dignum est;

Ima petit corpus: mens generosa polum.

Vnde Palæphatus hic prisca nō uisus in æuo/

Tam subito Latias itq; reditq; manus?

Angelus hunc Cospus(uiuat modo plura daturus)

Transtulit, en gestit uerba latina loqui.

IOACHIMI VADIANI HELVETII POETAE  
Laureati, in Idiotam Vatum detractorem:  
Epigramma.

Qui Vatum rugas, pensataq; carmina uero  
Inflatus rides: huc Idiota ueni.  
Et lege quæ Latio nunc ore Palephatus edit  
Quem uoluit Cospus Romula uerba loqui.  
Cospus Felsineæ decus & noua gloria terræ  
Dum nitet & Gracis artibus & Latii.  
Inuenies certe quo, si uelit Augur Apollo:  
Et tenebris possis cernere mente diem.  
Et turpes animi næuos, errataq; longæ  
Inuidiæ: sensu uel remouere nouo.  
Quod si nulla tibi poterit Medicina furorem  
Demere, & hoc agitant astra maligna nefas,  
Ut neq; Diuorum summa ornamenta Poetas  
Nec dulces capias, suauiloquosq; iocos.  
Et sterili semper uesperis limine rerum  
Quo nullus ueri commoda sudor habet.  
Cessabis saltē buccas inflare popello,  
Inq; modum fandi guttur abibit iners.  
Fabula grandiloquos gremio souet apta recessus  
Et succum in uiridi cortice semper habet.  
Seu de diuinis seu de terrestribus orta est  
Causa decens, uerax fabula Vatis erit.  
Hanc tua Lethæo stillantia lumina tabo:  
Si nondiscernunt, culpa ferenda malo est.  
Si uulgo ceues & uis te scire uideri  
Ut tibi displiceas huc Idiota ueni.